



^ 16
2788
3



門 16
號 2788
卷 3

文選正文卷之二

賦類

吳都賦

左思

東吳王孫覿然而哈曰夫上圖景宿辯於天文者也下料物
土析於地理者也古先帝世曾覽八紘之洪緒一六合而光
宅翔集遐宇鳥策篆素玉牒石記焉聞梁岷有陟方之館行
宮之基歟而吾子言蜀都之富禹同之有偉其區域美其林
藪矜巴漢之阻則以為襲險之右徇蹲鴟之沃則以為世濟
陽九齷齪而算固亦曲土之所歎也旁鬼而論都邑抑非大
人之所壯觀也何則土壤不足以攝生山川不足以周衛公
孫國之而破諸葛家之而滅茲乃喪亂之丘墟顛覆之軌轍

嘉慶

三
長男友
長女友
長女友

天振盪汪流雷杵重淵殷動宇宙胡可勝原島嶼懸邈洲渚
憑隆曠瞻迢遞迴眺冥蒙珍恠麗奇隙充徑路絕風雲通洪
桃屈盤丹桂灌叢瓊枝抗莖而敷藥珊瑚幽茂而玲瓏增岡
重阻列真之宇玉堂對雷石室相距藹藹翠幄嫋嫋素女江
婁於是往來海童於是宴語斯寔神妙之饗象嗟難得而觀
纓爾乃地勢坱圠卉木馭蔓遭藪爲圃值林爲苑異荇蔦蔕
夏擘冬蓊方志所辯中州所羨草則藿納豆蔻薑藁非一江
離之屬海苔之類綸組紫絳食葛香茅石帆水松東風扶畱
布護阜澤蟬聯陵丘黃綠山嶽之岳巖歷江海之流抗白帶
銜朱蕤鬱兮茆茂擘兮非非光色炫晃芬馥盼蠻職貢納其
包匭離騷詠其宿莽木則楓柙豫章栴檀枸榔綿杭柘櫨文

觀

榲榎檀平仲君遷松梓古度楠樗之木相思之樹宗生高岡
族茂幽阜擢本千尋垂蔭萬畝攢柯挈莖重葩掩葉輪菌虬
蟠埔壘鱗接榮色雜糅綢繆繙繡宵露霏霽對旭日晡時與風
颯颯颯颯颯颯鳴條律暢飛音響亮蓋象琴筑并奏笙竽俱
唱其上則有猿父哀吟獬子長嘯狢鼯裸然騰越飛超爭懸
接垂競遊遠枝驚透沸亂牢落輦散其下則有梟牟麀狼獾
猢猻象於菟之族犀兕之黨鈎爪鋸牙自成鋒穎精若曜星
聲若雷霆名載於山經形鏤於夏鼎其竹則篔簹林筵桂箭
射筒柚梧有篁篔簹有叢苞筍抽節往往縈結綠葉翠莖冒
霜停雪楠蠹森萃菽茸蕭瑟檀欒嬋娟玉潤碧鮮梢雲無以
踰嶰谷弗能連鸞鷲食其實鷓鴣擾其間其果則丹橘餘甘

荔枝之林。檳榔無柯。柳葉無蔭。龍眼橄欖。探榘禦霜。結根比
景之陰。列挺衡山之陽。素花斐丹。秀芳臨青壁。係紫房。鷓鴣
南翥。而中畱。孔雀絳羽。而翔翔。山雞歸飛。而來棲。翡翠列巢。
以重行。其琛賂。則琨瑤之阜。銅錯之根。火齊之寶。駭鷄之珍。
蘋丹明璣。金華銀樸。紫貝流黃。縹碧素玉。隱賑歲襲。雜插幽
屏。精曜潛穎。若陟山谷。倚岸爲之。不枯。林木爲之。潤黷。隨侯
於是鄙其夜光。宋王於是陋其結綠。其荒陬。譎詭。則有龍穴。
內蒸雲雨。所儲陵鯉。若獸浮石。若桴雙則。比日片。則王餘窮
陸飲木極。沈水居泉室。潛織而卷。綃淵客慷慨。而泣珠。開北
戶。以向日。齊南冥於幽都。其四野。則吟嘖無數。膏腴兼倍。原
隰殊品。宸隆異等。象耕鳥耘。此之自與。穉秀菰穗。於是乎在。

煮海爲鹽。採山鑄錢。國稅再熟之稻。鄉貢八蠶之綿。徒觀其
郊隧之內。與都邑之綱紀。霸王之所根柢。開國之所基址。郭
周匝。重城結隅。通門二八。水道陸衢。所以經始。用累千祀。
也。憲紫宮以營室。廓廣庭之漫漫。寒暑隔閔於邃宇。虹蜺廻
帶於雲館。所以跨時煥炳。萬里也。造姑蘇之高臺。臨四遠。而
特建帶朝夕之濬池。佩長洲之茂苑。窺東山之府。則瓌寶溢
日。觀海陵之倉。則紅粟流衍。起寢廟於武昌。作離宮於建業。
闡闔閭之所管。采夫差之遺法。抗神龍之華殿。施榮楯而捷
獵。崇臨海之崔嵬。飾赤鳥之曄曄。東西膠葛。南北崢嶸。房櫳
對橫。連閣相經。闡闔譎詭。異出奇名。左稱鬱崎。右號臨淵。雕
鏤鏤。青瑣丹楹。圖以雲氣。畫以仙靈。雖茲宅之夸麗。曾未

足以少寧思比屋於傾宮畢結瑤而構瓊高闈有閼洞門方
軌朱闕雙立馳道如砥樹以青槐且以綠水玄蔭耽耽清流
甍甍列寺七里俠棟陽路屯營櫛比廨署棊布橫塘查下邑
屋隆夸長干延屬飛薨舛互其居則有高門鼎貴魁岸豪傑
虞魏之昆顧陸之裔岐嶷繼體老成奕世躍馬疊跡朱輪累
轍陳兵而歸蘭綺內設冠蓋雲蔭閭閻聞喧其隣則有任俠
之靡輕詵之客締交翩翩價從奕奕出躡珠履動以千百里
譙巷飲飛觴舉白翹關扛鼎抃射壺博鄱陽暴謔中酒而作
於是樂只行而歡飮無匱都輦殷而四輿來暨水浮陸行方
舟結駟唱棹轉轂昧且永日開市朝而普納橫闐闐而流溢
混品物而同塵并都鄙而為一士女佇眙工賈駢坐紵衣絺

服雜沓從萃輕輿按轡以經隧樓船舉颿而過肆果布輻湊
而常然致遠流離與珂珮縑賄紛紜器用萬端金鎰磊砢珠
駢闐干桃笙象簞鞞於筒中蕉葛升越弱於羅紈色名徒名明前四聲
交貿相競諠譁嗥呻芬葩蔭映揮袖風飄而紅塵晝昏流汗
霰霽而中逵泥濘富中之毗貨殖之選乘時射利財豐巨萬
競其區宇則并疆兼巷矜其宴居則珠服玉饌趨材悍壯此
焉比盧捷若慶忌勇若專諸危冠而出竦劍而趨扈帶鮫函
扶掄屬鏤藏鏹於人去戢自閭家有鶴膝戶有犀渠軍容蓄
用器械兼儲吳鈎越棘純鈎湛盧戎車盈於石城戈船掩於
江湖露往霜來日月其除草木節解鳥獸膺膚觀鷹隼誠征
夫坐組甲建祀姑命官帥而擁鐸將校獵乎具區烏滸狼曠

馬鳴哀
馬走哀

夫南西屠儋耳黑齒之酋金鄰象郡之渠音鸞音駮音高音駮音驚
捷先驅前途俞騎騁路指南司方出車輦輦被練鏘鏘吳王
乃巾玉輅音輶音驩音驩音旗魚須常重光攝鳥號佩干將羽毛揚麤
雄戟耀鉞貝音胄象弭織文鳥章六軍衮服四騏龍驤峭格周
施量爵普張單罕瑣結良蹕連綱音法以九疑禦以沅湘音輪軒
蓼擾音穀騎熠煌袒裼徒搏拔距投石之部猿臂駢脅狂蹇獷
狻鷹音麟音鸚音視參譚音狻音若離若合者相與騰躍乎莽叢之野
干鹵音交音鋌音賜夷勃盧之旅長殺短兵直髮馳騁儼佻全並銜
枚無聲悠悠旆旌者相與聊浪乎昧莫之垠鉦鼓疊山火烈
燦林飛爛浮煙載霞載陰拉攝雷崩巒池岑鳥不擇木獸
不擇音暴音虺音虺音頽音糜音糜音六駮音追飛生彈鸞音鸞音射音狻音狻音白雉

落黑鳩零陵絕嶠嶢聿越嶢嶢躡踰竹栢獺猿杞柗封豨豨
神螭掩剛鏃潤霜刃染於是弭節頓轡齊鑣駐驂徘徊倘佯
寓目幽蔚覽將帥之拳勇與士卒之抑揚羽族以觜距為刀
鉞毛羣以齒角為矛鈇皆體著而應卒所以挂扞而為創痛
衝辟而斷筋骨莫不刃銳挫鉞拉押摧藏雖有石林之岸音嶒
請攘臂而靡之雖有雄虺之九首將抗足以趾之顛覆巢居
剖破窟宅仰攀鵠鶴俯蹴豺獾刮削熊羆之室剽掠虎豹之
落猩猩啼而就擒音萬萬笑而被格屠巴蛇出象骼斬鵬翼掩
廣澤輕禽狡獸周章夷猶狼跋乎紘中忘其所以睠矚失其
所以去就竟褫氣懾而自踴跌者應弦而飲羽形儼景僵者
累積而增益雜襲錯繆傾數薄倒岬岫巖穴無斫豨翳蒼無

單ハハ魚リ名
以ハ魚リ名
解ハ魚リ名
遊ハ魚リ名
又ハ馬リ名

鷹鷂思假道於豐隆披重霄而高狩籠鳥兔於日月窮飛走
之棲宿嶰澗閱岡岵童矍矍滿效獲衆廻靶平行觀觀漁乎
三江汎舟航於彭蠡渾萬艘而既同弘舸連舳巨艦接艦飛
雲蓋海制非常模疊華樓而島峙時髮髯於方壺比鷁首之
有裕邁餘艗於往初張組帷構流蘇開軒幌鏡水區篙工楫
師選自閩禺習御長風狎翫靈胥責千里於寸陰聊先期而
須臾權謳唱簫籟鳴洪流響渚禽驚弋磻放稽鷓鴣虞機發
雷鷓鷯鈎餌縱橫網罟接緒術兼詹公巧傾任父筌鉤鱸
鱮鯊鰻兩魴翼鯉鰕乘鸞鼉鼉同汛共羅沈虎潛鹿馬櫛伊
束徽鯨背中於羣犛機槍暴出而相屬雖復臨河而釣鯉無
異射鮒於井谷結輕舟而競逐迎潮水而振緝想萍實之復

鷁ハ大雁也

形訪靈夔於鮫人精衛銜石而遇繳文鯨夜飛而觸綸北山
亡其翎翼西海失其游鱗雕題之士鏤身之卒比飾虬龍蛟
螭與對簡其華質則虬費錦纈料其虺勇則鵬悍狼戾相與
味潛險搜瓌奇摸螭蟉捫觜蟻剖巨蚌於回淵濯明月於漣
漪畢天下之至異訖無索而不臻豁壑爲之一罄川瀆爲之
中貧晒澹臺之見謀聊襲海而徇珍載漢女於後舟追晉賈
而同塵汨乘流以砰宕翼颶風之颺颺直衝濤而上瀨常沛
沛以悠悠汜可休而凱歸揖天吳與陽侯指包山而爲期集
洞庭而淹留數軍實乎桂林之苑饗戎旅乎落星之樓置酒
若淮泗積肴若山丘飛輕軒而酌綠醕方雙轡而賦珍羞飲
烽起醜鼓震士遺倦衆懷忻幸乎館娃之宮張女樂而娛羣

文選正文卷之三
臣羅金石與絲竹若鈞天之下陳登東歌操南音亂陽阿詠
鞞任荆豔楚舞吳愉越吟翕習容裔靡靡惜惜若此者與夫
唱和之隆響動鐘磬之鏗聒有殷坻頽於前曲度難勝皆與
謠俗汁協律呂相應其奏樂也則木石潤色其吐哀也則凄
風暴興或超延露而駕辯或踰淥水而採菱軍馬弭髦而仰
秣淵魚竦鱗而上升酣滑半八音并歡情畱良辰征魯陽揮
戈而高麾迴曜靈於太清將轉西日而再中齊既往之精誠
昔者夏后氏朝羣臣於茲土而執玉帛者以萬國蓋亦先王
之所高會而四方之所軌則春秋之際要盟之主闔閭申其
威夫差窮其武內果伍員之謀外騁孫子之奇勝彊楚於栢
舉樓勁越於會稽闕溝乎商魯爭長於黃池徒以江湖險陂

物產殷充繞靈未足言其固鄭白未足語其豐士有陷堅之
銳俗有節概之風睚眦則挺劍喑鳴則彎弓擁之者龍騰據
之者虎視麾城若振槁舉旗若顧指雖帶甲一朝而元功遠
致雖累葉百疊而富彊相繼樂滑衍其方域列仙集其土地
桂艾練形而易色赤須蟬蛻而附麗中夏比焉畢世罕見丹
青圖其象珍瑋貴其寶利也舜禹游焉沒齒而忘歸精靈畱
其山阿翫其奇麗剖判庶土商權萬俗國有鬱鞅而顯敞邦
有湫阨而踳跼伊茲都之函弘傾神州而輶櫝仰南斗以斟
酌兼一儀之優渥由此而揆之西蜀之於東吳小大之相絕
也亦猶棘林螢曜而與夫尋水龍燭也否泰之相背也亦猶
帝之懸解而與夫桎梏疏屬也庸可共世而論巨細同年而

議豐确乎。暨其幽遐獨遠。寥廓間奧。耳目之所不該。足趾之所不蹈。倜儻之極異。崛詭之殊事。藏理於終古。而未寤於前覺也。若吾子之所傳。孟浪之遺言。略舉其梗概。而未得其要妙也。

魏都賦

魏國先生有昧其容。乃盱衡而誥曰。異乎交益之士。蓋音有楚夏者。土風之乖也。情有險易者。習俗之殊也。雖則生常固非自得之謂也。昔市南宜僚弄丸。而兩家之難解。聊為吾子復翫德音。以釋二客競於辯囿也。夫太極剖判。造化權輿。體兼晝夜。理包清濁。流而為江海。結而為山嶽。列宿分其野。荒裔帶其隅。巖岡潭淵。限蠻隔夷。峻危之竅也。蠻貊夷落。譯導

而通者。鳥獸之氓也。正位居體者。以中夏為喉舌。不以邊陲為襟帶也。長世字昨者。以道德為藩籬。不以叢險為屏也。而子大夫之賢。尚弗曾庶翼等威。附麗皇極。思烹止朔。樂率責職。而徒務於詭隨。匪民宴安於絕域。榮其文身。驕其險棘。繆然語之常倫。牽膠言而踰侈。飾華離以矜然。假偃疆而攘臂。非醇粹之方壯。謀躋駁於王義。孰愈尋靡。莽於中達。造冰徹於棘刺。劍閣雖險。憑之者蹶。非所以深根固蒂也。洞庭雖濬。負之者北。非所以愛人治國也。彼桑榆之末光。踰長庚之初輝。况河冀之爽塏。與江介之湫澹。故將語子以神州之略。赤縣之畿。魏都之卓犖。六合之樞機。于時運距陽九。漢網絕維。姦回內蠱。兵纏紫微。翼翼京室。耽耽帝宇。巢焚原燎。變為煨燼。

故荆棘旅庭殷殷寰內繩繩八區鋒鏑縱橫化爲戰場故麋鹿寓城也伊洛榛曠嶠函荒蕪臨菑牢落鄆郢丘墟而是有魏開國之日締構之初萬邑譬焉亦猶犖麋之與子都培塿之與方壺也且魏土者畢昂之所應虞夏之餘人先王之桑梓列聖之遺塵考之四隈則八埏之中測之寒暑則霜露所鈞卜偃前識而賞其隆吳札聽歌而美其風雖則衰代而盛德形於管絃雖踰千祀而懷舊蘊於遐年爾其疆域則旁極齊秦結湊冀道開胷殷衛跨躡燕趙山林幽峽川澤廻繚恒碣碣於青霄河汾浩泐而皓漾南瞻淇澳則綠竹純茂北臨漳滏則冬夏異沼神鈺迺遞於高巒靈響時驚於四表溫泉赴涌而自浪華清蕩邪而難老墨井鹽池玄滋素液厥田

惟中厥壤惟白原隰响响墳衍斥斥或鬼壘而復陸或瀼明而拓落乾坤交泰而烟熅嘉祥徽顯而豫作是以兆朕振古萌祗疇昔藏氣讖緯闕象竹帛迺時世而淵默應期運而光赫暨聖武之龍飛肇受命而光宅爰初自臻言占其良謀龜謀筮亦旣允臧修其郭繕其城隍經始之制率籠百土畫雍豫之居寫八都之宇鑿茅茨於陶唐察卑宮於夏禹古公草創而高門有閎宣王中興而築室百堵兼聖哲之軌并文質之狀商豐約而折中准當年而爲量思重爰摹大壯覽荀卿采蕭相僂拱木於林衡授全模於梓匠遐邇悅豫而子來工徒擬議而騁巧闡鈎繩之筌緒承二分之正要揆日晷考星耀建社稷作清廟築會宮以廻匝比岡隳而無坡造文昌

之廣殿極棟宇之弘規對若崇山崩起而崔嵬髣若玄雲舒
蜺以高垂瓌材巨世插塼參差粉椽複結欒櫨疊施丹梁虹
申以竝且朱栴森布而支離綺井列疏以懸蕤華蓮重葩而
倒披齊龍首而涌雷時梗概於澎池旅楹間列輝鑿挾振榱
題黼黻階階嶙峋長庭砥平鐘簾夾陳風無纖埃雨無微津
巖巖北闕南端攸遵竦峭雙礪方駕比輪西關延秋東啓長
春用觀羣后觀享願賓左則中朝有絕聽政作寢匪樸匪斲
去泰去甚木無雕鏤土無締錦玄化所甄國風所稟於前則
宣明顯陽順德崇禮重闈洞出鏘鏘濟濟珍樹猗猗奇卉萋
萋蕙風如熏甘露如醴禁臺省中連闈對廊直事所繇典刑
所藏藹藹列侍金螭齊光詰朝陪幄納言有章亞以柱後執

法內侍符節謁者典璽儲吏膳夫有官藥劑有司肴醪順時
賡理則治於後則椒鶴文石永巷壺術楸梓木蘭次舍甲乙
西南其戶成之匪日丹青炳煥特有溫室儀刑宇宙曆象賢
聖圖以百端粹以藻詠茫茫終古此焉則鏡有虞作績茲亦
等競右則踈圃曲池下畹高堂蘭渚莓莓石瀨湯湯弱夔係
寶輕葉振芳奔龜躍魚有際呂梁馳道周屈於果下延閣胤
宇以經營飛陛方輦而徑西三臺列峙而崢嶸九陽臺於陰
基擬華山之削成上累棟而重雷下水室而亘寘周軒中天
丹墀臨森增構戔戔清塵影影雲雀跼蹙而矯首壯翼摘鏤
於青霄雷雨窈冥而未半曠日籠光於綺寮習步頓以升降
御春服而逍遙八極可圍於寸眸萬物可齊於一朝長途牟

首豪微互經畧漏肅唱明宵有程附以蘭綺宿以禁兵司衛
閑邪鈎陳罔驚於是崇墉濬洫嬰堞帶浹四門轡轡降厦重
起憑太清以混成越埃壘而資始邈邈標危亭亭峻峙臨焦
原而弗悅誰勁捷而無猷與岡岑而永固非有期乎世祀陽
靈停曜於其表陰祗濛霧於其裏苑以玄武陪以幽林繚垣
開圍觀宇相臨碩果灌叢園木竦尋篁篠懷風蒲桃結陰回
淵灌積水深兼葭贊蕞蕞森丹藕凌波而的礫綠芰泛濤而
浸潭羽翮頡頏鱗介浮沈栖者擇木雉者擇音若咆渤澥與
姑餘常鳴鶴而在陰表清籟勒虞箴思國鄉忘從禽樵蘇往
而無忌卽鹿縱而匪禁腴腴埒野奕奕菑畝甘茶伊蠶十種
斯阜西門漑其前史起灌其後澄流十二同源異口蓄爲屯

雲泄爲行雨水澍稷稌陸時稷黍鞠鞠桑柘油油麻紵均田
畫疇蕃廬錯列薑芋充茂桃李蔭翳家安其所而服美自悅
邑屋相望而隔踰奕世內則街衢輻湊朱闕結隅石柱飛梁
出控漳渠疏通溝以濱路羅青槐以蔭塗比滄浪而可濯方
步欄而有踰習習冠蓋莘莘蒸徒斑白不提行旅讓衢設官
分職營處署居夾之以府寺班之以里閭其府寺則位副三
事官踰六卿太常之號大理之名厦屋一揆華屏齊榮肅肅
階闕重門再扃師尹爰止毗世作楨其閭閻則長壽吉陽永
平思忠亦有戚里寘宮之東開出長者巷苞諸公都護之堂
殿居綺窻輿騎朝猥蹀跋其中營客館以周坊飾賓侶之所
集瑋豐樓之閑闕起建安而首立葺精幕室房廡雜襲劓劓

罔撥匠斲積習廣成之傳無以儔豪街之邸不能及廓三市
而開塵籍平達而九達班列肆以兼羅設闐闐以襟帶濟有
無之常偏距日中而畢會抗旗亭之巖薛後所眺之博大百
隧轂擊連軫萬貫憑軾捭馬袖幕紛半一八方而混同極風
采之異觀質劑平而交易刀布貿而無算財以工化賄以商
通難得之貨此則不容器周用而長務物肯窳而就攻不繫
邪而豫賈著馴致之醇醲白藏之藏富有無隄同賑大內控
引世資寶帑積滯琛幣充牣關石之所和均財賦之所底慎
燕弧盈庫而委勁冀馬填廐而駟駿至乎勅敵糾紛庶土用
寧聖武興言將曜威靈介胄重襲旌旗躍莖弓珣解繁矛鉞
飄英二屬之甲縵胡之纓控弦簡發妙擬更羸齊被練而鉞

戈襲偏裝以讚列畢出征而中律執奇正以四伐碩畫精通
目無匪制推鋒積紀鉞氣彌銳三接三捷旣晝亦月尅翦方
命吞滅咆哮雲撒叛換席卷虔劉稜威八紘荒阻率由洗兵
海島刷馬江洲振旅鞬鞬反旆悠悠凱歸同飲疏爵普疇朝
無列印國無費畱喪亂旣弭而能宴武人歸獸而去戰蕭斧
戢柯以柙亦虹旌攝麾以就卷斟洪範酌典憲觀所恒通其
變上垂拱而司契下緣督而勸道來斯貴利往則賤囹圄
寂寥京庾流衍於是東鯁卽西傾順軌荆南懷德朔北思
趨縣縣迴途驟山驟水疆負責贊重譯貢篚鬣首之豪錄耳
之傑服其荒服欽衽魏闕置酒文昌高張宿設其夜未遽庭
燎晰晰有客祁祁載華載裔岌岌冠緹纍纍辮髮清酤如濟

濁醪如河。凍醴流澌。溫酎躍波。豐肴衍衍。行庖皤皤。情情醜醜。燕酣音勞滑無。延廣樂奏九成。冠韶夏。冒六英。五莖。僭響起疑。震霆天宇。駭地盧驚。億若大帝之所興作。二羸之所曾聆。金石絲竹之恒韻。匏土革木之常調。干戚羽旄之飾好。清謳微吟之要妙。世業之所日用。耳目之所聞覺。雜糅紛錯。兼該汎博。鞞轆所掌之音。鞅昧任禁之曲。以娛四夷之君。以睦八荒之俗。既苗既狩。爰遊爰豫。籍田以禮動。大閱以義舉。備法駕。理秋御。顯文武之壯觀。邁梁騶之所著。林不槎枿。澤不伐天。斧斨以時。罾網以道。德連木理。仁挺芝草。皓獸爲之育。數丹魚爲之生。沼喬雲翔。龍澤馬丁。阜山圖其石。川形其寶。莫黑匪鳥。三趾而來儀。莫赤匪狐。九尾而自擾。嘉穎離合。以尊尊。

醴泉涌流而浩浩。顯禎祥以曲成。固觸物而兼造。蓋亦明靈之所酬酢。休徵之所偉兆。收收率土。遷善罔匱。沐浴福應。宅心醴粹。餘糧概畝而弗收。頌聲載路而洋溢。河洛開與符命。用出翩翩黃鳥。銜書來訊。人謀所尊。鬼謀所秩。劉宗委馭。異其神器。闕玉策於金縢。案圖錄於石室。考歷數之所在。察五德之所泣。量寸旬。涓吉日。陟中壇。卽帝位。改正朔。易服色。繼絕世。修廢職。徽幟以變器械。以革顯仁。翌明藏用。玄默非言。厚行陶化。染學讎授。篆籀篇章。畢覲優賢。著於揚歷。匪藥形於親戚。本枝別幹。蕃屏皇家。勇若任城才。若東阿抗。旂則威發。秋霜擄翰。則華縱春葩。英詰雄豪。佐命帝室。相兼二八。將猛四七。赫赫震震。開務有謚。故令斯民。覩泰階之平。可比屋。

而爲一算祀有紀天祿有終傳業禪祚高謝萬邦皇恩綽矣
帝德冲矣讓其天下臣至公矣榮操行之獨得超百王之庸
庸追百卷領與結繩瞻畱重華而比蹤尊盧赫胥羲農有熊
雖自以爲道洪化以爲隆世篤玄同奚遠不能與之踵武而
齊其風是故料其建國析其法度諮其考室議其舉厝復之
而無斃申之而有裕非疏糲之士所能精非鄙俚之言所能
具至於山川之倬詭物產之魁殊或名奇而見稱或實異而
可書生生之所常厚洵美之所不渝其中則有鴛鴦交谷虎
潤龍山掘鯉之淀蓋節之淵狶狶精衛銜木償怨常山平于
鉅鹿河間列真非一往往出焉昌容練色犢配眉連玄俗無
影木羽偶仙琴高沈水而不濡時乘赤鯉而周旋師門使火

以驗術故將去而林燔易陽壯容備之稚質邯鄲躡步趙之
鳴瑟真定之黎故安之粟醇酎中山流酒千日淇汨之筍信
都之棗雍丘之梁涪流之稻錦繡襄邑羅綺朝歌絳纒房子
縑總清河若此之屬繁富夥皦非可單究是以抑而未罄也
蓋比物以錯辭述清都之閒麗雖選言以簡章徒九復而遺
音覽大易與春秋判殊隱而一致未上林之墮檣本前修以
作系其軍容弗犯信其果毅糾華綬戎以戴公室元勳配管
敬之績歌鐘析邦君之肆則魏絳之賢有令聞也閒居監巷
室邇心遐富仁寵義職競弗羅千乘爲之軼廬諸侯爲之止
戈則千木之德自解紛也貴非吾尊重士踰山親御監門謙
謙同軒擲秦起趙威振八蕃則信陵之名若蘭芬也英辯榮

枯能濟其厄。位加將相。室際之策。四海齊鋒。一口所敵。則張
儀張祿亦足云也。推惟庸蜀。與雒鵠同窠。句吳與鼃鼃同穴。
一自以爲禽鳥。一自以爲魚鼈。山阜猥積。而崎嶇泉流。迸集
而映咽。隰壤瀝漏。而沮洳林藪。石雷而蕪穢。窮岫泄雲。日月
恒翳。宅土煊暑。封疆障厲。蔡莽螫刺。昆蟲毒噬。漢罪流禦。秦
餘徒剝。宵貌叢陋。稟質蓬脆。巷無杼首。里罕耆耄。或黽髻而
左言。或鏤膚而鑽髮。或明發而耀歌。或浮泳而卒歲。風俗以
蚤慄爲媿。人物以殘害爲藝。威儀所不攝。憲章所不綴。由重
山之束阨。因長川之裾勢。距遠關以闕閼。時高櫟而陞制。薄
戍繇。繇無異。蛛蝥之網。弱卒瑣甲。無異。螳螂之備。與先代而
常然。雖信險而勦絕。揆既往之前跡。卽將來之後轍。成都迄

已傾覆。建業則亦顛沛。顧非累卵於疊基焉。至觀形而懷怛。
權假日以餘榮。比朝華而菴藹。覽麥秀與黍離。可作謠於吳
會。先生之言未卒。吳蜀一客。矍然相顧。嗒焉失所有。覲曹容
神藥形。茹弛氣離坐。快墨而謝曰。僕黨清狂。怵迫閩濮。習蓼
蟲之忘辛。翫進退之惟谷。非常寐而無覺。不覩皇輿之軌躅。
過以汎剽之單惠。歷執古之醇聽。兼重性以賄繆。伺辰光而
罔定。先生玄識深頌。靡測得聞。上德之至。盛匪同憂。於有聖
抑若春霆發響。而驚蟄飛競。潛龍浮景。而幽泉高鏡。雖星有
風雨之好。人有異同之性。庶覲部家。與剝廬非蘇世。而居正
且夫寒谷豐黍。吹律以暖之也。昏情爽曙。箴規以顯之也。雖
明珠兼寸。尺璧有盈。驩車二六。三傾五城。未若申錫典章之

為遠也。亮曰：日不雙麗，世無兩帝。天經地緯，理有大歸。安得齊給守其小辯也哉。

甘泉賦并序

揚雄

孝成帝時，客有薦雄，文似相如者。上方郊祀甘泉，泰畤汾陰，后土以求繼嗣，召雄待詔承明之庭。正月從上甘泉，還奏甘泉賦以風其辭曰：

惟漢十世，將郊上玄。定泰時，擁神休，尊明號，同符三皇，錄功五帝。卹胤胤錫羨，拓迹開統。於是乃命羣僚，歷吉日，協靈辰，星陳而天行，詔招搖與太陰。今伏鈎陳，使當兵屬，堪輿以壁壘。今捐夔臚而扶猶，狂八神奔而警蹕。今振殷鑠而軍裝，蚩尤之倫帶干將而秉玉戚。今飛蒙茸而走陸梁，齊總總以搏搏。

疾，皆故也。

其相膠輻兮，焱駭雲迅奮。以方攘駢羅，列布鱗以雜沓兮，傑僂參差魚頰而鳥聃翕赫。芻霍霧集而蒙合兮，半散照爛粲以成章。於是乘輿迺登，夫鳳凰兮而翳華芝，駟蒼螭兮六素虬。雙畧綦綬，離虜縻纏。帥爾陰閉，雲然陽開。騰清霄而軼浮景兮，夫何旒旒邛偃之旖旎也。流星旄以電燭兮，咸翠蓋而鸞旗屯萬騎於中營兮，方玉車之千乘。聲駢隱以陸離兮，輕先疾雷而馭遺風。臨高衍之崿嶸兮，超紆譎之清澄。登椽欂而狃天門兮，馳閭闔而入凌兢。是時未臻夫甘泉也，乃望通天之繹繹，下陰潛以慘懍兮，上洪紛而相錯。直嶢嶢以造天兮，厥高慶而不可乎彌度。平原唐其壇漫兮，列新萋於林薄。櫛并閭與菱栝兮，紛被麗其亡鄂。崇丘陵之駸駸兮，深溝嶽

巖而爲谷。造造離宮。般以相燭。兮封巒石關。池靡乎連屬。於
是大廈雲。瀟波詭。摧唯而成觀。仰矯首以高視。兮日暝眴而
無見。正瀏濫以弘恂。兮指東西之漫漫。徘徊以徨徨兮。覓
鬼眇眇而昏亂。據軫軒而周流兮。忽塊北而無垠。翠玉樹之
青蔥兮。璧馬犀之璘璠。金人仡仡其承鐘。虛兮嵌巖巖其龍
鱗。揚光耀之燎燭兮。垂景炎之所所配。帝居之懸圃兮。象泰
壹之威神。洪臺崛其獨出兮。極北極之嶸嶸。列宿乃施於上
榮兮。日月纒經於挾振。雷鬱律於巖窅兮。電倏忽於牆藩。鬼
魅不能自逮兮。半長途而下顛。歷倒景而絕飛梁兮。浮蟻蠓
而撒天。左櫬槍而右玄冥兮。前標闕而後應門。陰西海與幽
都兮。涌醴汨以生川。蛟龍連蜷於東厓兮。白虎敦圉乎崑崙。

覽膠流於高光兮。溶彷徨於西青。前殿崔巍兮。和氏玲瓏。抗
浮柱之飛榱兮。神莫莫而扶傾。閎閎其寥廓兮。似紫宮之
嵒嶭。駢交錯而曼衍兮。岷嶷峴乎其相嬰。乘雲閣而上下兮。
紛蒙籠以混成。曳紅采之流離兮。颺翠氣之宛延。襲琤室與
傾宮兮。若登高眇遠。亡國肅乎臨淵。迴焱肆其礪駭兮。狝桂
椒而鬱移揚。香芬弗以穹窿兮。擊薄櫨而將榮。薌咲盼以棍
批兮。聲駢隱而歷鐘。排玉戶而颺金鋪兮。發蘭蕙與芎藭。惟
彌環其拂汨兮。稍暗暗而靚深。陰陽清濁。穆羽相和兮。若夔
牙之調琴。般倕棄其剗剛兮。王繭投其鈎繩。雖方征僑與偓
佺兮。猶彷彿其若夢。於是事變物化。目駭耳回。蓋天子穆然
珍臺間。館璇題玉英。螭蛸蠖濩之中。惟夫所以澄心清覓。儲

精垂恩感動天地逆釐二神者乃搜述索偶臯伊之徒冠倫
魁能函甘棠之惠挾東征之意相與齊乎陽靈之宮靡薜荔
而爲席兮折瓊枝以爲芳翕清雲之流霞兮飲若木之露英
集乎禮神之囿登乎頌祇之堂建光耀之長旂兮昭華覆之
威威攀璇璣而下視兮行遊日乎三危陳敷車於東阬兮肆
玉軼而下馳漂龍淵而還九垓兮窺地底而上迴風從從而
扶轄兮鸞鳳紛其銜蕤梁弱水之滌滌兮躡不周之逶迤想
西王母欣然而上壽兮屏玉女而却宓妃玉女亡所眺其清
矚兮宓妃曾不得施其娥眉方攬道德之精剛兮侔神明與
之爲資於是欽柴宗祈燎薰皇天臯搖泰壹舉洪頤樹靈旗
樵蒸焜土配藜四施東燭滄海西耀流沙北熿幽都南煬丹
厓玄瓊鮓膠秬鬯泔淡盼蠻豐融懿懿芬芬焱感黃龍兮燦
訛碩麟選巫咸兮叫帝關開天庭兮延羣神儼暗藹兮降清
壇瑞穰穰兮委如山於是事畢功弘廻車而歸度三巒兮偃
棠梨天閭決兮地垠開八荒協兮萬國諧登長平兮雷鼓磔
天聲起兮勇士厲雲飛揚兮雨滂沛于胥德兮麗萬世亂曰
崇崇園丘隆隱天兮登降剋施單堦垣兮增宮參差駢嗟峨
兮嶺嶸嶸响洞無厓兮上天之綽杳旭卉兮聖皇穆穆信厥
對兮徠祇郊禋神所依兮徘徊招搖靈棲遲兮輝光眩耀降
厥福兮子子孫孫長無極兮

籍田賦

潘岳

伊晉之四年正月丁未皇帝親率羣后籍於千畝之甸禮也

於是乃使甸師清畿野廬掃路封人墳宮掌舍設柩青壇蔚
其嶽立兮翠幕黝以雲布結崇基之靈址兮啟四塗之廣作
沃野墳腴膏壤平砥清洛濁渠引流激水遐阡繩直邇陌如
矢總轡服于縹軌兮紺轅綴於黛耜儼儲駕於麗左兮俟萬
乘之躬履百僚先置位以職分自上下下具惟命臣襲春服
之萋萋兮接游車之麟麟微風生於輕幟兮纖埃起於朱輪
森奉璋以階列兮望皇軒而肅震若湛露之晞朝陽兮衆星
之拱北辰也於是前驅魚麗屬車鱗萃閭闔洞啟參塗方駟
常伯陪乘太僕秉轡后妃獻種稂之種司農撰播殖之器澤
壺掌升降之節宮正設門閭之蹕天子乃御玉輦陰華蓋衝
牙錚鎗緇紈粹縑金根照耀以炯晃兮龍驥騰驤而沛艾表

朱玄於離坎飛青編於震兌中黃躡以發暉兮方綵紛其繁
會五輅鳴鑾九旗揚旒瓊鉞入榮雲罕晡謁簫管嘲啾以啾
嘈兮鼓鞀砢隱以砰礚筍虛疑以軒翥兮洪鐘越乎區外震
震填填塵鷺連天以幸乎籍田蟬冕頰以灼灼兮碧色肅其
芊芊似夜光之剖荆璞兮若茂松之依山巔也於是我皇乃
降靈壇撫御耦游場染履洪縻在手三推而舍庶人終畝貴
賤以班武五或九于斯時也居靡都鄙民無華裔長幼雜選
以交集士女頌斌而咸辰被褐振裾垂髻總髻躡踵側肩倚
裳連袂黃塵爲之四合兮陽光爲之潛翳動容發音而觀者
莫不抃舞乎康衢謳吟乎聖世情欣樂乎昏作兮慮盡力乎
樹藝靡推督而常勤兮莫之課而自勵躬先勞以悅使兮豈

嚴刑而猛制哉。有邑老田父。或進而稱曰。蓋損益隨時。理有常然。高以下爲基。民以食爲天。正其末者。端其本。善其後者。慎其先。夫九土之宜。弗任。四人之務。不一。野有菜蔬之色。朝靡代耕之秩。無儲蓄以虞災。徒望歲以自畢。二季之衰。皆此物也。今聖上昧且不顯。夕惕若慄。圖賈於豐。防儉於逸。欽哉。欽哉。惟穀之恤。展三時之弘務。致倉廩於盈溢。固堯湯之用。心而存救之要術也。若乃廟祧有事。祝宗諏日。簠簋普淖。則此之自實。縮鬯蕭茅。又於是乎出。黍稷馨香。旨酒嘉粟。宜其民和年登。而神降之吉也。古人有言曰。聖人之德。無以加於孝乎。夫孝者。天地之性。人之所由靈也。昔者明王以孝理天下。其或繼之者。鮮哉。希矣。逮我皇晉。實光斯道。儀刑乎千萬。

國愛敬盡於祖考。故躬稼以供粢盛。所以致孝也。勸穡以足百姓。所以固本也。能本而孝。盛德大業至矣哉。此一役也。而二美具焉。不亦遠乎。不亦重乎。敢作頌曰。思樂甸畿。薄採其茅。大君戾止。言籍其農。其農三推。萬方以祇。擣我公田。實及我私。我簠斯盛。我簋斯齊。我倉如陵。我庾如坻。念茲在茲。永言孝思。民力普存。祝史正辭。神祇攸歆。逸豫無期。一人有慶。兆民賴之。

子虛賦

司馬相如

楚使子虛使於齊。齊王悉發車騎與使者出。畋罷。子虛過。詫烏有先生。亡是公存焉。坐定。烏有先生問曰。今日畋樂乎。子虛曰。樂獲多乎。曰。少。然則何樂對曰。僕樂齊王之欲誇僕。

以車騎之衆而僕對以雲夢之事也。曰可得聞乎？子虛曰：可。王駕車千乘，選徒萬騎，畋於海濱，列卒滿澤，采網彌山，掩兔麟鹿，射麋脚麟，鷲於鹽浦，割鮮染輪，射中獲多，矜而自功，顧謂僕曰：楚亦有平原廣澤，遊獵之地，饒樂若此者乎？楚王之獵，孰與寡人乎？僕下車對曰：臣，楚國之鄙人也，幸得宿衛，十有餘年，時從出遊，遊於後園，覽於有無，然猶未能徧覩也。又焉足以言其外澤乎？齊王曰：雖然，略以子之所聞見而言之。僕對曰：唯唯。臣聞楚有七澤，嘗見其一，未覩其餘也。臣之所見，蓋特其小小者耳。名曰雲夢，雲夢者，方九百里，其中有山焉。其山則盤紆弗鬱，隆崇聳峯，岑峯參差，日月蔽虧，交錯糾紛，上干青雲，罷池陂陀，下屬江河。其土則丹青赭堊，雌黃白

垺，錫碧金銀，灰色炫燿，照爛龍鱗。其石則赤玉玫瑰，琳瑯昆吾，瓊玖玄厲，礪石砥砭。其東則有蕙圃，衡蘭芷若，芎藭苜蓿。茫離蘼蕪，諸柘巴苴。其南則有平原廣澤，登降陁靡，案衍壇曼，緣以大江，限以巫山。其高燥則生歲荝苞荔，薛莎青蘋。其埤濕則生藏葇兼葳，東籬雕胡，蓮藕菰蘆，菴闌軒于，芡物居之，不可勝圖。其西則有涌泉清池，激水推移，外發芙蓉菱華，內隱鉅石白沙。其中則有神龜蛟鼉，瑇瑁鼈鼉。其北則有陰林巨樹，梗柎豫樟，桂椒木蘭，檠離朱楊，楮梨棗橘，柚芬芳。其上則有鷓鴣孔鸞，騰遠射干。其下則有白虎玄豹，蝮蛇狸狌。於是乎乃使專諸之倫，手格此獸。楚王乃駕馴駘之駟，乘雕玉之輿，靡魚鬣之橈，旃曳明月之珠旗，建干將之雄戟，左

鳥號之雕弓。右夏服之勁箭。陽子驂乘。娥阿爲御。案節未舒。即陵狡獸。蹙蚤蚤。駢距虛軼。野馬轉駒。駢乘遺風。射游騏綉。脩聃倩冽。雷動衆至。星流霆擊。弓不虛發。中必決。耻洞智逢掖。絕乎心繫。獲若雨獸。揜草蔽地。於是楚王乃弭節徘徊。翱翔容與。覽乎陰林。觀壯士之暴怒。與猛獸之恐懼。微執受。詘殫。觀厥物之變態。於是鄭女曼姬。被阿緗。揜紵。縞雜羅。垂霧縠。縠縠積。褰縐紆。徐委曲。鬱橈。路谷紛紛。裊裊揚袍。戍削。蜚垂。垂髻扶輿。猗靡翕。呻萃。蔡下。縻蘭蕙。上拂羽蓋。錯翡翠之歲。綦繆繞玉綏。眇眇忽忽。若神仙之髣髴。於是乃相與。獠於蕙圃。嬖姍勃窣而上。乎金隄。揜翡翠射。駿驥微增。出纖繳。施弋白鷓。連駕鸞雙鶴。下玄鶴。加急而後發。游於清池。浮文鷁。揚

執
卷
之
後
橙
也

旌棧。張翠帷。建羽蓋。網瑇瑁。鈎紫貝。縱金鼓。吹鳴籟。榜人歌聲流。鳴水蟲駭。波鴻沸。涌泉起。奔物會。礪石相擊。硠硠礚礚。若雷霆之聲聞乎數百里之外。將息獠者。擊靈鼓。起烽燧。車案行。騎就隊。纏乎淫淫。般乎裔裔。於是楚王乃登雲陽之臺。泊乎無爲。淡乎自持。勺藥之和具。而後御之。不若大王終日馳騁。曾不下輿。將割輪焠。自以爲娛。妖臣竊觀之。齊殆不如。於是齊王無以應僕也。烏有先生曰。是何言之過也。足下不遠千里來。祝齊國。王悉發境內之士。備車騎之衆。與使者出。吹乃欲戮力致獲。以娛左右。何名爲夸哉。問楚地之有無者。願聞大國之風烈。先生之餘論也。今足下不稱楚王之德厚。而盛推雲夢以爲高。奢言淫樂而顯侈靡。竊爲足下不取也。必

若所言固非楚國之美也。有而言之，是彰君之惡，無而言之，是害足下之信。彰君之惡而傷私義，二者無一可而先生行之。必且輕於齊而累於楚矣。且齊東渚鉅海，南有琅邪，觀乎成山，射乎之罘，浮渤海，游孟諸，邪與肅慎為鄰，右以暘谷為界，秋田乎青丘，徬徨乎海外，吞若雲夢者八九，於其曾中，曾不帶芥。若乃倣儻瑰瑋，異方殊類，珍恠鳥獸，萬端鱗萃，充牣其中，不可勝記。禹不能名，禹不能計。然在諸侯之位，不敢言遊戲之樂，苑囿之大。先生又見客是以王辭不復，何為無以應哉。

上林賦

司馬相如

亡是公听然而笑曰：楚則失矣，而齊亦未為得也。夫使諸侯納貢者，非為財幣所以述職也；封疆畫界者，非為守禦所以禁淫也。今齊列為東藩，而外私肅慎，捐國踰限，越海而田，其於義固未可也。且夫二君之論，不務明君臣之義，正諸侯之禮，徒事爭遊戲之樂，苑囿之大，欲以奢侈相勝，荒淫相越，此不可以揚名發譽而適足以貶君自損也。且夫齊楚之事，又焉足道乎？君未覩夫巨麗也，獨不聞天子之上林乎？左蒼梧，右西極，丹水更其南，紫淵徑其北，終始灞澹，出入涇渭，豐鎬潦滃，紆餘委蛇，經營乎其內，蕩蕩乎八川分流，相背而異態，東西南北，馳騫往來，出乎椒丘之闕，行乎洲淤之浦，經乎桂林之中，過乎泱泱之壑，汨乎混流，順阿而下，赴隘陔之口，觸穹石，激堆埼，沸乎暴怒，洶湧彭湃，湔沸沓汨，偪側泌瀹，橫流

逆折轉騰激冽滂溥沆漑穹隆雲撓宛渾膠盪踰波趨汜漑
漑下瀨批巖衝擁奔揚滯沛臨坻注壑滄瀟貫陸沈沈隱隱
砰磅訇磕潏潏淅淅淅淅淅淅淅淅淅淅淅淅淅淅淅淅淅淅
懷寂寥無聲肆乎永歸然後灑灑潢漾安翔徐回翫乎瀟瀟
東注太湖衍溢陂池於是乎蛟龍赤螭鮪鱓漸離鰓鮓鮓鮓
禹禹鮪鮪捷鱗掉尾振鱗奮翼潛處乎深巖魚鼈謹聲萬物
衆夥明月珠子的皪江靡蜀石黃磬水玉磊砢磷磷爛爛彩
色滢汗叢積乎其中鴻鸕鵠鴉鴛鴦屬玉交精旋目頰鴛庸
渠歲疵鳩盧羣浮乎其上沈淫泛濫隨風澹淡與波搖蕩掩
薄水渚啜啖菁藻咀嚼菱藕於是乎崇山矗矗龍從崔巍深
林巨木嶄巖峯巉九巉巖嶽嶽嶽嶽嶽嶽嶽嶽嶽嶽嶽嶽嶽嶽

振溪通谷塞產溝瀆谿呀豁閉阜陵別鳴歲魄喂鹿丘虛堀
壘隱嶙鬱嶮登降陁靡陂池狎豸沈溶淫鬻散渙夷陸亭臯
千里靡不被築揜以綠蕙被以江蘼糝以薜蘿雜以畱夷布
結縷攢戾莎揭車蘅蘭橐本射干此薑蕞荷歲橙若蓀鮮支
黃礫蔣芋青蘋布濩閔澤延曼太原離靡廣衍應風披靡吐
芳揚烈郁郁菲菲衆香發越彤蠻布寫晡夢必第於是乎周
覽泛觀縝紛軋芴芒芒恍忽視之無端察之無涯日出東沼
入乎西陂其南則隆冬生長涌水躍波其獸則獮旄貍羆沈
牛麋麋赤首圜題窮奇象犀其北則盛夏含凍裂地涉水揭
河其獸則麒麟角端騶駼橐駝蚤蚤驪駃騠驢羸於是乎
離宮別館彌山跨谷高廊四注重坐曲閣華棖壁璫輦道纒

屬步欄周流長途中宿吏巉築堂累臺增成巖窈洞房俯杳
眇而無見仰攀僚而捫天奔星更於闐闐宛虹地於楯軒青
龍蚴蟉於東廂象輿婉僊於西清靈囿燕於開館倕佺之倫
暴於南榮醴泉涌於清室通川過於中庭盤石振崖嶽巖倚
傾嵯峨嶮嶮刻削崢嶸玫瑰碧琳珊瑚叢生璿玉旁唐玢幽
文鱗赤瑕駁犖雜甫其間晷采琬琰和氏出焉於是乎盧橘
夏熟黃甘橙棣枇杷撚柿棹柰厚朴棗楊梅櫻桃蒲萄隱
夫莫棣苔選離支羅乎後宮列於北園馳丘陵下平原揚翠
葉抗紫莖發紅華垂朱榮煌煌扈扈照曜鉅野沙棠櫟楛華
楓杯櫨雷落胥邪仁頻楸閭欒檀木蘭豫章女貞長千仞大
連抱夸條直暢實葉後赫攢立叢倚連卷欒危崔錯發飢坑

衡問何垂條扶疎落英幡纒紛溶劑蔘猗狔從風瀏莅卉歛
蓋象金石之聲管籥之音傑池此虎旋還乎後宮雜襲繫輯
被山緣谷循坂下隰視之無端究之無窮於是乎玄猿素雌
隼獲飛蠅蛭蚘蠓猿獬胡毅蛭棲息乎其間長嘯哀鳴翩幡
互經天蟠枝格偃寒杪顛踰絕梁騰殊榛捷垂條掉希間牢
落陸離爛熳遠遷若此者數百千處娛游往來官宿館舍庖
廚不徙後宮不移百官備具於是乎昔秋涉冬天子技獵乘
鏤象六玉虬拖蜺旌靡雲旗前皮軒後道游孫叔奉轡衛公
參乘扈從橫行出乎四按之中鼓嚴鑼縱獠者江河為點秦
山為櫓車騎雷起殷天動地先後陸離離散別追淫淫裔裔
緣陵流澤雲布雨施生貔豹搏豺狼手熊羆足蹙羊蒙鵬蘇

縉白虎被斑文跨野馬凌三峻之危下積歷之坻徑峻赴險
越壑厲水椎飛廉弄獬豸格蝦蛤鋌猛氏繡駮射封豕箭
不苟害解脰陷腦弓不虛發應聲而倒於是乎乘輿弭節徘徊
翱翔往來睨部曲之進退覽將帥之變態然後浸淫促節
儵竄遠去流離輕禽蹙履狡獸蹙白鹿捷狡兔軼赤電遺光
耀追怪物出宇宙鬱蕃弱滿白羽射游梟飛遽擇肉而後
發先中而命處弦矢分藝殪仆然後揚節而上浮凌驚風歷
駭焱乘虛無與神俱躡玄鶴亂昆鷄遁孔鸞促鷄鷄拂翳鳥
猶鳳凰捷鷓鴣拚焦朋道盡途殫迴車而還招搖乎懷佯降
集乎北紘率乎直指晡乎反鄉歷石關歷封濟過鳩鵲望露
寒下棠黎息宜春西馳宣曲濯鷓牛首登龍臺掩細柳觀土

大夫之勤略釣獵者之所得獲徒車之所輔轍步騎之所蹂
若人臣之所蹈籍與其窮極倦虯驚憚讐伏不被創刃而死
者他他藉藉填坑滿谷掩平彌澤於是乎游戲懈怠置酒乎
顯天之臺張樂乎膠葛之寓撞千石之鐘立萬石之虞建翠
華之旗樹靈鼉之鼓奏陶唐氏之舞聽葛天氏之歌千人倡
萬人和山陵爲之震動川谷爲之蕩波巴渝宋蔡淮南于遮
文成顛歌族居遞奏金鼓迭起鏗鎗闐鞀洞心駭耳荆吳鄭
衛之聲韶濩武象之樂陰淫案衍之音鄙郢續紛激楚結風
俳優侏儒狄鞮之倡所以娛耳目樂心意者靡靡爛熳於前
靡曼美色於後若夫青琴宓妃之徒絕殊離俗妖冶媚都覩
糝刻飾便嬖綽約柔撓嫚嫚嫵媚纖弱曳獨繭之綸視眇閭

易以卹削便姍。嫫眉與俗殊。服芬芳。濕鬱酷烈。淑郁皓齒。粲爛宜笑的。樂長眉連娟。微睇綿藐。色授龜與。心愉於側。於是酒中樂酣。天子芒然而思。似若有亡。曰嗟乎。此太奢侈。朕以覽聽餘間。無事棄日。順天道以殺伐。時休息於此。恐後葉靡麗。遂往而不返。非所以爲繼嗣。創業垂統也。於是乎乃解酒罷獵。而命有司曰。地可墾闢。悉爲農郊。以贍萌隸。頽牆填塹。使山澤之人得至焉。實陂池而勿禁。虛宮館而勿牝。發倉廩以救貧窮。補不足。恤鰥寡。存孤獨。出德號。省刑罰。改制度。易服色。革正朔。與天下爲更始。於是歷吉日。以齋戒。襲朝服。乘法駕。建華旗。鳴玉鑾。游乎六藝之囿。馳騫乎仁義之塗。覽觀春秋之林。射狸首。兼騶虞。弋玄鶴。舞干戚。載雲罕。揜羣雅。悲

伐檀。樂樂皆修容乎禮園。翱翔乎書圃。述易道。放恠獸。登明堂。坐清廟。次羣臣。奏得失。四海之內靡不受獲。於斯之時。天下大說。向風而聽。隨流而化。焯然興道。而遷義。刑錯而不用。德隆於三王。而功羨於五帝。若此。故獵乃可喜也。若夫終日馳騁。勞神苦形。罷車馬之用。抗士卒之精。費府庫之財。而無德厚之恩。務在獨樂。不顧衆庶。忘國家之政。貪雉兔之獲。則仁者不繇也。從此觀之。齊楚之事。豈不哀哉。地方不過千里。而囿居九百。是草木不得墾闢。而民無所食也。夫以諸侯之細。而樂萬乘之侈。僕恐百姓被其尤也。於是二子愀然改容。超若自失。逡巡避席曰。鄙人固陋。不知忌諱。乃今日見教。謹受命矣。

羽獵賦并序

楊雄

孝成帝時羽獵雄從以爲昔在二帝三王宮館臺榭沼池苑囿林麓藪澤財足以奉郊廟御賓客充庖廚而已不奪百姓膏腴國土桑柘之地女有餘布男有餘粟國家殷富上下交足故甘露零其庭醴泉流其唐鳳凰巢其樹黃龍游其沼麒麟臻其囿神爵棲其林昔者禹任益虞而上下和草木茂成湯好田而天下用足文王囿百里民以爲尚小齊宣王囿四十里民以爲泰大裕民之與奪民也武帝廣開上林東南至宜春鼎湖御宿昆吾旁南山西至長楊五柞北繞黃山濱渭而東周袤數百里穿昆明池象滇河營建章鳳闕神明駁娑漸臺太液象海水周流方丈瀛洲蓬萊遊觀侈靡窮妙極麗

雖頗割其三垂以瞻齊民然至羽獵甲車戎馬器械儲待禁禦所營尚泰奢麗誇詡非堯舜成湯文王三驅之意也又恐後世復修前好不折中以泉臺故聊因校獵賦以風之其辭曰或稱羲農豈或帝王之彌文哉論者云否各亦並時而得宜奚必同條而共貫則泰山之封焉得七十而有二儀是以創業垂統者俱不見其爽遐邇通五三孰知其是非遂作頌曰麗哉神聖處於玄宮富既與地乎侔皆貴止與天乎比崇齊桓曾不足使扶藪楚巖未足以爲驂乘狹三王之阨僻矯高舉而大興歷五帝之寥廓涉三皇之登闕建道德以爲師友仁義與之爲朋於是玄冬季月天地隆烈萬物權輿於內殞落於外帝將惟田于靈之囿開北垠受不周之制以終始巖

項玄冥之統。乃詔虞人典澤。東延昆鄰。西馳閭闔。儲積共侍。
戍卒夾道。斬叢棘。夷野草。禦自汧渭。經營鄠鎬。章皇周流出。
入日月天輿地。沓爾乃虎路。三變以爲司馬。圍經百單。而爲
殿門外。則正南極海邪界。虞淵鴻濛。沆茫碣以崇山。營合圍
會。然後先置乎白楊之南。昆明靈沼之東。賁育之倫。蒙盾負
羽。杖鏃。鄒而羅者。以萬計。其餘荷垂天之罽。張竟整之罟。靡
日月之朱竿。曳等星之飛旗。青雲爲紛虹蜺。爲縹屬乎岷崙
之墟。渙若天星之羅。浩如濤水之波。淫淫與與。前後要遮。攬
槍爲闔。明月爲候。焚惑司命。天弧發射。鮮扁陸離。衍必路
徽車。輕武鴻網。捷獵殷殷。軫軫被陵。緣坂窮負。極遠者相與
列乎高原之上。羽騎營營。駟分殊事。續紛往來。輻輳不絕。若

光若滅者。布乎青林之下。於是天子乃以陽晷始出乎玄宮。
撞鴻鐘。建九旒。六白虎載靈輿。蚩尤竝轂。蒙公先驅。立歷天
之旗。曳捎星之旂。霹靂烈缺。吐火施鞭。萃從沆溶。淋漓廓落。
戲八鎮而開關。飛廉雲師。吸鼻滿率。鱗羅布列。攢以龍翰。啾
啾踳踳。入西園。切神光。望平樂。徑竹林。蹂蕙圃。踐蘭唐。舉烽
烈火。響者施技。方馳下駟。狡騎萬帥。虓虎之陳。從橫膠轕。焱
拉雷厲。躡駢駘。噬洶洶。旭旭天動。地岌岌。漫半散蕭條。數千
里之外。若夫壯士。忼慨殊鄉。別趣東西南北。騁嗜奔欲。地蒼
豨跋。犀聲蹶浮。麋斷巨狴。搏玄猿。騰空虛。距連卷。踔天躡嬉。
間間莫莫。紛紛山谷。爲之風焱。林叢爲之生塵。及至獲夷之
徒。蹶松柏。掌蒺藜。獵蒙籠。麟輕飛。履般首。帶脩虵。鉤赤豹。牽

象犀躡巖坑超唐陂車騎雲會登降聞藹泰華為旒熊耳為
綴木仆山還漫若天外儲與乎大浦聊浪乎宇內於是天清
日晏逢蒙列昔羿氏控茲皇車幽暢光純天地望舒彌響翼
乎徐至於上蘭移圍徙陣浸淫楚部曲隊堅重各案行伍壁
壘天旋神扶電擊逢之則碎近之則破鳥不及飛獸不得過
軍驚師駭刮野掃地及至罕車飛揚武騎聿皇蹈飛豹縮嗥
陽追天寶出一方應駢聲擊流光野盡山窮囊括其雌雄沈
沈溶溶遙喙乎絃中三軍茫然窮冗闕與曾觀大剽禽之繼
踰犀兕之抵觸熊羆之爭獲虎豹之凌遠徒角槍題注賊竦
驚怖龜亡鬼失觸輻關脰安發期中進退履獲創深輪夷丘
累陵聚於是禽殫中衰相與集於靖寔之館以臨珍池灌以

岐梁溢以江河東瞰日盡西暢亡涯隨珠和氏焯爍其陂玉
石響峇眩耀青炎漢女水潛恠物暗冥不可殫形玄鸞孔雀
翡翠垂榮玉睢關關鴻鴈嚶嚶羣嬉乎其中唯唯昆鳴鳧鷖
振鷺上下砰盞聲若雷霆乃使文身之伎水格鱗蟲凌堅冰
犯嚴淵探巖排崎薄索蛟螭蹈獺獺據鼃鼃祛靈蠟入洞穴
出蒼梧乘鉅鱗騎鯨魚浮彭蠡日有虞方推夜光之流離剖
明月之胎珠鞭洛水之宓妃餉屈原與彭胥於茲乎鴻生鉅
儒俄軒冕雜衣裳修唐典匡雅頌揖讓於前昭光振耀響忽
如神仁聲惠於北狄武誼動於南鄰是以旃裘之王胡貉之
長移珍來享抗手稱臣前入闔口後陳廬山羣公常伯楊朱
墨翟之徒喟然竝稱曰崇哉乎德雖有唐虞大夏成周之隆

何以侈茲夫古之觀東嶽禪梁基舍此世也其誰與哉上猶謙讓而未俞也方將卜獵三靈之流下決醴泉之滋發黃龍之穴窺鳳凰之巢臨麒麟之囿幸神雀之林奢雲夢侈孟諸非章華是靈臺罕徂離宮而輟觀遊土事不飾木功不雕蒸人乎農桑勸之以弗怠儕男女使莫違恐貧窮者不徧被洋溢之饒開禁苑散公儲創道德之囿弘仁惠之虞馳弋乎神明之囿覽觀乎羣臣之有亡放雉兔收罟罾麋鹿芻蕘與百姓共之蓋所以臻茲也於是醇洪鬯之德豐茂世之規加勞三皇勗勤五帝不亦至乎乃祗莊雍穆之徒立君臣之節崇賢聖之業未遑苑囿之麗遊獵之靡也因迴軫還衡背阿房反未央

長楊賦 并序

揚雄

明年上將大誇胡人以多禽獸秋命右扶風發民入南山西自褒斜東至弘農南歐漢中張羅網罟罾捕熊羆豪豬虎豹獠獍狐兔麋鹿載以檻車輸長楊射熊館以網爲周陸縱禽獸其中令胡人手搏之自取其獲上親臨觀焉是時農民不得收歛雄從至射熊館還上長楊賦聊因筆墨之成文章故藉翰林以爲主人子墨爲客卿以諷其辭曰
子墨客卿問於翰林主人曰蓋聞聖主之養民也仁霑而恩洽動不爲身今年獵長楊先命右扶風左太華而右褒斜採獵而爲弋紆南山以爲罝羅千乘於林莽列萬騎於山隅帥軍踰陸錫戎獲胡搃熊羆拖豪豬木擁槍纍以爲儲胥此

天下之窮覽極觀也。雖然亦頗擾于農人三旬有餘。其塵至矣。而功不圖。恐不識者外之。則以爲娛樂之游。內之。則不以爲乾豆之事。豈爲民乎哉。且人君以玄默爲神。澹泊爲德。今樂遠出。以露威靈。數搖動。以疲車甲。本非人主之急務。蒙竊惑焉。翰林主人曰。吁。客何謂茲邪。若客所謂。知其一。未觀其二。見其外。不識其內也。僕嘗倦談。不能一一其詳。請略舉其凡。而客自覽其切焉。客曰。唯唯。主人曰。昔有彊秦封豕其土。竄豨其民。鑿齒之徒。相與磨牙而爭之。豪俊麇沸。雲擾羣黎。爲之不康。於是上帝眷顧高祖。高祖奉命順斗極。運天關。橫巨海。漂崑崙。提劍而叱之。所過靡城。擄邑。下將降旗。一日之戰。不可殫記。當此之勤。頭蓬不暇梳。饑不及餐。鞆生蟣。蟲

介冑被霑汗。以爲萬姓請命乎。皇天乃展民之所屈。振民之所乏。規億載恢帝業。七年之間。而天下密如也。逮至聖文。隨風乘流。方垂意於至寧。躬服節儉。緹衣不弊。革鞜不穿。大廈不居。木器無文。於是後宮賤瑇瑁。而疏珠璣。却翡翠之飾。除雕琢之巧。惡麗靡而不近。斥芬芳而不御。抑止絲竹宴衍之樂。憎聞鄭衛幼眇之聲。是以玉衡正而太階平也。其後獯鬻作虐。東夷橫叛。羌戎睚眦。閩越相亂。遐氓爲之不安。中國蒙被其難。於是聖武勃怒。爰整其旅。乃命驃衛。紛紜沸渭。雲合電發。焱騰波流。機駭盜軼。疾如奔星。擊如震霆。碎輜輶。破穹廬。腦沙幕。髓余吾。遂躡乎王庭。驅橐駝。燒燧蠡。分勢單于。磔裂屬國。夷阬谷。拔鹵莽。刊山石。蹂屍輿。廝係累。老弱吮劍。癢

者金鍔淫夷者數十萬人皆稽顙樹頌扶服蛾伏二十餘年
矣尚不敢惕息夫天兵四臨幽都先加迴戈邪指南越相夷
靡節西征羌棘東馳是以遐方疏俗殊鄰絕黨之域自上仁
所不化茂德所不綏莫不躋足抗首請獻厥珍使海內澹然
永亡邊城之災金革之患今朝廷純仁遵道顯義并包書林
聖風雲靡英華沈浮洋溢八區普天所覆莫不沾濡士有不
談王道者則樵夫笑之意者以爲事罔隆而不殺物靡盛而
不虧故平不肆險安不忘危乃時以有年出兵整輿竦戎振
師五柞習馬長楊簡力狡獸校武票禽乃萃然登南山瞰烏
比西厭月躡東震日域又恐後代迷於一時之事常以此爲
國家之大務淫荒田獵陵夷而不禦也是以車不安軻日未

靡旃從者彷彿凱屬而還亦所以奉太尊之列遵文武之度
復三王之田反五帝之虞使農不輟耰工不下機婚姻以時
男女莫違出愷悌行簡易矜劬勞休力役見百年存孤弱帥
與之同苦樂然後陳鐘鼓之樂鳴鞀磬之和建碣磬之虞夏
擊鳴球掉八列之舞酌允鑠肴樂胥聽廟中之雍雍受神人
之福祐歌投頌吹合雅其勤若此故真神之所勞也方將俟
元符以禪梁父之基增泰山之高延光于將來比榮乎往號
豈徒欲淫覽浮觀馳騁秣稍之地周流梨栗之林蹂踐芻蕘
誇詡衆庶盛狃獲之收多麋鹿之獲哉且盲者不見咫尺而
離婁燭千里之隅客徒愛胡人之獲我禽獸曾不知我亦已
獲其王侯言未卒墨客降席再拜稽首曰大哉體乎允非小

人之所能及也。乃今日發矇廓然已昭矣。

射雉賦 并序

潘岳

余徙家于琅邪。其俗實善射。聊以講肄之餘暇。而習媒翳之事。遂樂而賦之也。

涉青林以游覽。今樂羽族之羣飛。聿采毛之英麗。今有五色之名。疊厲耿介之專心。今參雄豔之姱姿。巡丘陵以經畧。今畫墳衍而分畿。於是青陽告謝。朱明肇投。靡木不滋。無草不茂。初葦蔚其曜。新陳柯槭以改舊。天泱泱以垂雲。泉涓涓而吐溜。麥漸漸以擢芒。雉鷩鷩而朝雉。野箱籠以揭驕。睨曉媒之變態。奮勁散以角槎。磷悍目以旁睒。鶯綺翼而棘槪。灼繡頸而袞背。鬱軒翥以餘怒。思長鳴以效能。爾乃濠場杜翳。停

僮蔥翠。綠栢參差。文翻鱗次。蕭森繁茂。宛轉輕利。衷料戾以徹鑿。表厭躡以密緻。恐吾游之晏起。慮原禽之罕至。甘疲心於企想。分倦目以寓視。何調翰之喬桀。邈疇類而殊才。候扇舉而清叫。野聞聲而應媒。褰微罟以長眺。已踉蹌而徐來。攜朱冠之葩赫。敷藻翰之陪颺。首約綠素。身拖黼繪。青鞵莎靡。丹臆蘭絳。或蹶或豕。時行時止。斑尾揚翹。雙角特起。良遊呃啞。引之規裏。應叱愕立。擢身竦峙。捧黃間以密敷。屬剛柱以潛擬。倒禽紛以迸落。機聲振而未已。山鷲得害。森迅已甚。越壑凌岑。飛鳴薄廩。鯨牙低鍬。心平望審。毛體摧落。霍若碎錦。逸羣之雉。擅場挾兩。櫟雌妬異。倏來忽往。忌上風之發切。畏映日之儻朗。屏發布而累息。徒心煩而伎憊。伊義鳥之應敵。

嗽。攫地以厲響。彼聆音而逕進。忽交距以接壤。形盈窻以美發。紛首頽而臆仰。或乃崇墳夷靡。農不易龍。穉菽叢糝。翳蒼奉昔。鳴雄振羽。依於其冢。捫降丘以馳敵。雖形隱而草動。瞻挺穉之傾掉。意洽躍以振踊。噉出苗以入場。愈情駭而神悚。望鷹合而翳鳥。雉朕肩而旋踵。飲余志之精銳。擬青巖而點項。亦有目不步體。邪眺旁剔。靡聞而驚無見。自鷲周環。迴復繚繞。盤辟戾翳。旋把繁隨。所歷彳亍中。輟馥焉中。鏑前則重膺。傍截疊翻。若夫多疑少決。瞻劣心捐。內無固守。出不交戰。來若處子。去如激電。闕閭蕩葉。幘歷乍見。於是算分銖商。遠邇揆懸。刀騁絕伎。如轉如軒。不高不埤。當味值智。裂膚破齒。夷險殊地。馴麤異變。具不暇食。夕不告勅。昔賈氏之如阜。始

解顏於一箭。醜夫為之改貌。憾妻為之釋怨。彼遊由之致獲。咸乘危以馳驚。何斯藝之安逸。嗟禽從其已。豫清道而行。擇地而住。尾飾鑣而在服。肉登俎而永御。豈惟阜隸。此焉君舉。若乃耽盤流道。放心不移。忘其身恤。司其雄雌。樂而無節。端操或虧。此則老氏之所誠。而君子之所不為。

北征賦

班彪

余遭世之顛覆。兮罹填塞之厄災。舊室滅以丘墟。兮曾不得乎少畱。遂奮袂以北征。兮超絕迹而遠遊。朝發軔於長都兮。夕宿瓠谷之玄宮。歷雲門而反顧。望通天之崇崇。乘陵岡以登降。息郇邠之邑鄉。慕公劉之遺德。及行葦之不傷。彼何生之優渥。我獨離此百殃。故時會之變化兮。非天命之靡常。登

赤須之長坂入義渠之舊城忿戎王之淫狡穢宣后之失貞
嘉秦昭之討賊赫斯怒以北征紛吾去此舊都兮騁遲遲以
歷茲遂舒節以遠逝指安定以爲期涉長路之縣縣兮遠紆
回以樛流過泥陽而大息悲祖廟之不修釋余馬於彭陽兮
且弭節而自思日晡晡其將暮兮覩牛羊之下來寤怨曠之
傷情兮哀詩人之歎時越安定以容與兮遵長城之漫漫劇
蒙公之疲民兮爲疆秦乎築怨捨高亥之切憂兮事蠻狄之
遼患不耀德以綏遠兮顧厚固而繕藩首身分而不寤兮猶
數功而辭譽何夫子之妄說兮孰云地脈而生殘登障隧而
遙望兮聊須臾以婆娑閱獯鬻之猾夏兮弔尉卬於朝那從
聖文之克讓兮不勞師而幣加惠父兄於南越兮黜帝號於

尉佗降兀杖於藩國兮折吳淠之逆邪惟太宗之蕩蕩兮豈
曩秦之所圖濟高平而周覽兮望山谷之嗟哦野蕭條以莽
蕩迥千里而無家風森發以飄飄兮谷水灌以揚波飛雲霧
之杳杳涉積雪之皚皚鴈邕邕以羣翔兮鷓雞鳴以嘒嘒遊
子悲其故鄉兮心愴悵以傷懷撫長劔以慨息兮泣連落而
霑衣攬余涕以於邑兮哀生民之多故夫何陰暄之不陽兮
嗟久失其平度諒時運之所爲兮求伊鬱其誰愬亂曰夫子
固窮遊藝文兮樂以忘憂惟聖賢兮達人從事有儀則兮行
止屈申與時息兮君子履信無不居兮雖之蠻貊何憂懼兮
東征賦
惟求初之有七分余隨子兮東征時孟春之吉日兮撰良辰

東征賦

曹昭

而將行乃舉趾而升輿兮夕予宿乎偃師遂去故而就新兮
志愴悵而懷悲明發曙而不寐兮心遲遲而有違酌樽酒以
馳念兮喟抑情而自非諒不登巢而琢蠶兮得不陳力而相
追且從眾而就列兮聽天命之所歸遵通衢之大道兮求捷
徑欲從誰乃遂往而徂逝兮聊遊目而遨覓歷七邑而觀覽
兮遭鞏縣之多艱望河洛之交流兮看成臯之旋門既免脫
於峻嶮兮歷滎陽而過武卷食原武以息足宿滎陽武之桑間
涉封丘而踐路慕京師而竊歎小人性之懷土兮自書傳而
有焉遂進道而少前兮得平丘之北邊入匡郭而追遠兮念
夫子之厄勤彼衰亂之無道兮乃困畏乎聖人悵容與而久
駐兮忘日夕而將昏到長垣之境界察農野之居民睹蒲城
之丘墟兮生荆棘之榛榛惕覺悟而顧問兮想子路之威神
衛人嘉其勇義兮迄於今而稱云蘧氏在城之東南兮民亦
尚其丘墳唯令德爲不朽兮身既歿而名存惟經典之所美
兮貴道德與仁賢吳札稱多君子兮其言信而有徵後衰微
而遭患兮遂陵遲而不興知性命之在天由力行而近仁勉
仰高而蹈景盡忠恕而與人好正直而不回兮精誠通於明
神庶靈祇之鑒照兮祐貞良而輔信亂曰君子之思必成文
兮蓋各言志慕古人兮先君行止則有作兮雖其不敏敢不
法兮貴賤貧富不可求兮正身履道以俟時兮修短之運愚
智同兮靖恭委命唯吉凶兮敬慎無怠思嚙約兮清靜少欲
師公綽兮

西征賦

潘岳

歲次玄枵。月旅蕤賓。丙丁統日。乙未御辰。潘子憑軾。西征自
京徂秦。迺喟然歎曰。古往今來。邈矣悠哉。寥廓忽恍。化一氣
而甄三才。此三才者。天地人之道。唯生與位。謂之大寶。生有修
短之命。位有通塞之遇。鬼神莫之要。聖智弗能豫。當休明之
盛世兮。託菲薄之陋質。納旌弓於鉉台。讚庶績於帝室。嗟鄙
夫之常累。固既得而患失。無柳季之直道。佐士師而一黜。武
皇忽其升遐。八音遏於四海。天子寢於諒闇。分百官聽於冢
宰。彼負荷之殊重兮。雖伊周其猶始。窺七貴於漢庭。請一姓
之或在。無危明以安位。祗居逼以示專。陷亂逆以受戮。匪降
禍之自天。孔隨時以行藏。遷與國而舒卷。苟蔽微以繆章。患

過辟之未遠。悟山潛之逸士。卓長往而不反。陋吾人之拘攣。
飄萍浮而蓬轉。察位儻其隆替。名節灌以隳落。危素卵之累
殼甚。玄鷲之巢幕。心戰懼以兢悚。如臨深而履薄。夕獲歸於
都外。宵未中而難作。匪擇木以棲集。歟林焚而鳥存。遭千載
之嘉會。皇合德於乾坤。弛秋霜之嚴威。流春澤之渥恩。甄大
義以明責。反初服於私門。皇鑒揆余之忠誠。俄命余以末班。
牧疲人於西夏。攜老幼而入關。丘去魯而顧歎。季過沛而涕
零。伊故鄉之可懷。疚聖達之幽情。矧匹夫之安土。邈投身於
鎬京。猶犬馬之戀主。竊託慕於闕庭。眷輦洛而掩涕。思纏緜
於墳塋。爾乃越平樂。過街郵。秣馬臯門。稅駕西周。遠矣姬德。
興自高辛。思文后稷。厥初生民。率西水滸。化流岐幽。祚隆昌

發舊邦維新旋牧野而歷茲愈守柔以執競夜申且而不寐
憂天保之未定惟泰山其猶危祀八百而餘慶鑒亡王之驕
淫竄南巢以投命坐積薪以待然方指日而比盛人度量之
乖舛何相越之遼迥考土中于斯邑成建都而營築既定鼎
于郊廓遂鑽龜而啓繇平失道而來遷繫一國而是祐豈時
王之無僻賴先哲以長懋望闔北之兩門感號鄭之納惠討
子頽之樂禍尤闕西之效戾重戮帶以定襄弘大順以霸世
靈壅川以止鬪晉演義以獻說各景悼以迄呀政凌遲而彌
季俾庶朝之構逆歷兩王而于位踰十葉以逮赧邦分崩而
爲一竟橫噬於虎口輸文武之神器澡孝水而濯纓嘉善名
而在茲天赤子於新安坎路側而瘞之亭有千秋之號子無

七旬之期雖勉勵於延吳實憊慟乎余慈躬山川以懷古悵
攬轡於中途虐項氏之肆暴坑降卒之無辜激秦人以歸德
成劉后之來蘇事洄洑而好還卒宗滅而身屠經澠池而長
想停余車而不進秦虎狼之疆國趙侵弱之餘燼超入險而
高會杖命世之英藹耻東瑟之偏鼓提西缶而接刃辱十城
之虛壽奄咸陽以取雋出申威於河外何猛氣之咆勃入屈
節於廉公若四體之無骨處智勇之淵偉方鄙吝之忿憤雖
改日而易歲無等級以寄言當光武之蒙塵致王誅于赤眉
異奉辭以伐罪初垂翅于迴谿不尤肯以掩德終奮翼而高
揮建佐命之元勳振皇綱而更維登峭坂之威夷仰崇嶺之
嵯峨臯託墳於南陵文違風於北阿蹇哭孟以審敗襄墨綬

而授戈曾隻輪之不反練三帥以濟河值庸主之矜懷始肆
叔於朝市任好綽其餘裕獨引過以歸已明三敗而不黜卒
陵晉以雪耻豈虛名之可立良致霸其有以降曲峭而憐號
託與國於亡虞貪誘賂以賣鄰不及臘而就拘垂棘反於故
府屈產服于晉輿德不建而民無援仲雍之祀忽諸我祖安
陽言陟陝鄂行乎漫瀆之口憇乎曹陽之墟美哉邈乎茲土
之舊也固乃周邵之所分二南之所交麟趾信於關雎騶虞
應乎鵲巢愍漢氏之剝亂朝流亡以離析卓滔天以大滌劫
宮廟而遷迹俾萬乘之盛尊降遙思於征役顧請旋於懼汜
旣獲許而中惕追皇駕而驟戰望玉輅而縱鏑痛百寮之勤
王咸畢力以致死分身首於鋒刃洞胷腋以流矢有褰裳以

投岸或攘袂以赴水傷桴楫之福小撮舟中之掬指升曲沃
而惆悵惜兆亂而兄替枝末大而本披都偶國而禍結臧札
飄其高厲委曹吳而成節何莊武之無耻徒利開而義閉躡
函谷之重阻看天險之衿帶跡諸侯之勇怯算嬴氏之利害
或開關以延敵競遁逃以奔竄有噤門而莫啓不窺兵於山
外連雞互而不棲小國合而成大豈地勢之安危信人事之
否泰漢六葉而拓畿縣弘農而遠關厭紫極之閑敞甘微行
以遊盤長傲賓於栢谷妻觀貌而獻餐疇匹婦其已秦胡厥
夫之謬官昔明王之巡幸固清道而後往懼銜檠之或變峻
徒御以誅賞彼白龍之魚服挂豫且之密網輕帝重于天下
奚斯漸之可長弔戾園於湖邑諒遭世之巫蠱探隱伏於難

明委讒賊之趙虜。加顯戮於儲貳。絕騰膚而不顧。作歸來之
悲臺。徒望思其何補。紛吾旣邁。此全節又繼之。以盤桓問休
牛之故林。感徵名於桃園。發閭鄉而警策。遊黃巷以濟潼。眺
華岳之陰崖。覲高掌之遺蹤。憶江使之反壁。告亡期於祖龍。
不語怪以徵異。我聞之於孔公。慍韓馬之大憝。阻關谷以稱
亂。魏武赫以霆震。奉義辭以伐叛。彼雖奴其馬。用故制勝於
廟算。碎揚桴以振塵。縑瓦解而冰泮。超遂遁而奔狄。甲卒化
爲京觀。倦狹路之迫隘。軌崎嶇以低仰。蹈秦郊而始闢。豁爽
塏以宏壯。黃壤千里。沃野彌望。華實紛敷。桑麻條暢。邪界褒
斜。右濱開隴。寶雞前鳴。甘泉後涌。面終南而背雲陽。跨平原
而連嶓冢。九峻巖辭太一。龍從吐清風之膠戾。戾納歸雲之鬱

翁南有玄灞。素滹湯井。溫谷北有清渭。濁涇。蘭池周曲。浸決
鄭白之渠。漕引淮海之粟。林茂有鄂之竹。山挺藍田之玉。班
述陸海珍藏。張敘神臯奧區。此西賓所以言於東主。安處所
以聽於憑虛也。可不謂然乎。勁松彰於歲寒。貞臣見於國危。
入鄭都而抵掌義。桓友之忠規。竭股肱於昏主。赴塗炭而不
移。世善職於司徒。緇衣弊而改爲履。犬戎之侵地。疾幽后之
詭惑。舉僞烽以沮。奴淫。嬖褒以縱。慝軍敗戲水之上。身死鄜
山之北。赫赫宗周。威爲亡國。又有繼於此者。異哉秦始皇之
爲君也。傾天下以厚葬。自開闢而未聞。匠人勞而弗圖。俾生
埋以報勤。外離西楚之禍。內受牧豎之焚。語曰。行無禮必自
及。此非其效歟。乾坤以有親。可久。君子以厚德。載物。觀夫漢

高之興也。非徒聰明神武。豁達大度而已也。乃實慎終追舊。篤誠。救愛。澤靡不漸。恩無不逮。率土且猶弗遺。而況於鄰里乎。而況於卿士乎。于斯時也。乃摹寫舊豐。製造新邑。故社易置。枌榆遷立。街衢如一。庭宇相襲。渾雞犬以亂放。各識家而競入。籍合怒於鴻門。沛跼踖而來。王范謀害而不許。陰授劔以約莊。擗白刃以萬舞。危冬葉之待霜。履虎尾而不噬。實嬰伯於子房。樊抗憤以卮酒。咀彘肩以激揚。忽蛇變而龍據。雄霸上而高驤。曾遷怒而橫撞。碎玉斗其何傷。嬰胷組於軹塗。投素車而肉袒。疎飲餞於東都。畏極位之盛滿。金墉鬱其萬雉。峻嶮峭以繩直。仄飲馬之陽橋。踐宜平之清闕。都中雜遝。戶千人億。萃夷士女。駢田逼側。展名京之初儀。卽新館而流

職。勵疲鈍以臨朝。勗自彊而不息。於是孟秋爰謝。聽覽餘日。巡省農功。周行廬室。街里蕭條。邑居散逸。營宇寺署。肆塵管庫。葺芮於城隅者。百不處一。所謂尙冠修成。黃棘宣明。建陽昌陰。北渙南平。皆夷漫滌蕩。亡其處而有其名。爾乃階長樂。登未央。汎太液。凌建章。繁馭娑而欵駘。盪轡枌諧而轢承光。徘徊桂宮。惆悵柏梁。鷓鴣於臺陂。狐兔窟於殿傍。何黍苗之離離。而余思之。亾亾洪鐘。頓於毀廟。乘風廢而弗縣。禁省鞠爲茂草。金狄遷於霸川。懷夫蕭曹魏邴之相。辛李衛霍之將。銜使則蘇屬國。震遠則張博望。教敷而彝倫敘。兵舉而皇威暢。臨危而智勇奮。投命而高節亮。暨乎秭侯之忠。孝淳深。陸賈之優游。宴喜長卿淵雲之文。子長政駿之史。趙張三王

之尹京定國釋之之聽理汲長孺之正直鄭當時之推士終
童山東之英妙賈生洛陽之才子飛翠綵拖鳴玉以出入禁
門者歟矣或被髮左衽奮迅泥滓或從容傳會望表知裏或
著勲績而嬰時戮或有大才而無貴仕皆揚清風於上列垂
令聞而不已想珮聲之遺響若鏗鏘之在耳當音鳳恭顯之
任勢也乃熏灼四方震耀都鄙而死之日曾不得與夫十餘
公之徒隸齒名才難不其然乎望漸臺而扼腕梟巨猾而餘
怒揖不疑於北闕軼檣里於武庫酒池鑿於商辛追覆車而
不寤曲陽僭於白虎化奢淫而無度命有始而必終孰長生
而久視武雄畧其焉在近惑文成而溺五利侔造化以制作
窮山海之奧祕靈若翔於神島奔鯨浪而失水曝鱗骼於漫

沙隕明月以雙墜擢仙掌以承露十雲漢而上至致邛笏其
奚難惟余欲而是恣縱逸遊於角觝絡甲乙以珠翠忍生民
之減半勒東岳以虛美超長懷以遐念若循環之無賜較面
朝之煥炳次後庭之猗靡壯當熊之忠勇深辭輦之明智衛
鬢髮以光鑒趙輕體之纖麗咸善立而聲流亦寵極而禍侈
津便門以右轉究吾境之所暨掩細柳而撫劔快孝文之命
帥周受命以忘身明戎政之果毅距華蓋於壘和察乘輿之
尊轡肅天威之臨顏率軍禮以長擅輕棘霸之兒戲重條族
之倨貴索杜郵其焉在云孝里之前號悃輟駕而容與哀武
安以興悼爭伐趙以徇國定廟筭之勝負并矢言而弗納反
推怨以歸咎未十里於遷路尋賜劔以刎首嗟主闇而臣嫉

禍於何而不有。窺秦墟於渭城，冀闕緬其堊，盡堊陛殿之餘，
基裁破，噓以隱嶙，想趙使之抱壁，劉琨楹以抗憤，燕圖窮而
荆發，紛絕袖而自引，筑聲厲而高奮，狙潛鈇以脫臙，據天位
其若茲，亦狼狽而可愍。簡良人以自輔，謂斯忠而鞅賢，寄苛
制於捐仄，矯扶蘇於朔邊，儒林填於坑，穽詩書場而為煙，國
滅亡以斷後，身刑轅以啓先，商法焉得以宿黃，犬何可復牽，
野蒲變而成脯，苑鹿化以為馬，假讒逆以天權，鉗眾口而寄
坐，兵在頸而顧問，何不早而告我，願黔黎其誰聽，惟請死而
獲，可逮子嬰之果決，敢討賊以紓禍，勢土崩而莫振，作降王
於路左，蕭收圖以相剗，料險易與眾寡，羽天與而弗取，冠沐
猴而縱火，貫三光而洞九泉，曾未足以喻其高下也。感市閭

之敢，井歎尸韓之舊處，永屬號而守闕，人百身以納贖，豈生
命之易投，誠惠愛之洽著，許望之以求直，亦余心之所惡思，
夫人之政術，實幹時之良具，苟明法以釋憾，不愛才以成務，
弘大體以高貴，非所望於蕭傅，造長山而慷慨，偉龍顏之英
主，曾中豁其洞開，羣善湊而必舉，存威格乎天區，亡墳掘而
莫禦，臨掩坎而累抃，步毀垣以延佇，越安陵而無譏，諒惠聲
之寂寞，弔袁絲之正義，伏梁劔於東郭，訊景皇於陽丘，奚信
譖而矜譎，殞吳嗣於局下，益發怒於一博，成七國之稱亂，翻
助逆以誅錯，恨過聽而無討，茲沮善而勸惡，昔孝元於涇塗，
執奄尹以明貶，褒夫君之善行，廢園邑以崇儉，過延門而責
成，忠何辜而為戮，陷社稷之王章，俾幽死而莫鞠，伏淫嬖之

凶忍勦皇統之孕育張舅氏之姦漸貽漢宗以傾覆刺哀主
於義域僭天爵於高安欲法堯而承禪永終古而不刊瞰康
園之孤墳悲平后之專絜厥父之篡逆蒙漢耻而不雪激
義誠而引決赴丹爛以明節投宮火而焦糜從灰燼而俱滅
驚橫橋而旋軫歷敝邑之南垂門磁石而梁木蘭兮構阿房
之屈奇疏南山以表闕倬樊川以激池役鬼傭其猶否矧人
力之所爲工徒斲而未息義兵紛以交馳宗祧汗而爲沼豈
斯宇之獨隳由僞新之九廟誇宗虞而祖黃驅吁嗟而妖臨
搜佞哀以拜郎誦六藝以飾紆焚詩書而面墻心不則於德
義雖異術而同亡宗孝宜於樂遊紹衰緒以中興不獲事於
敬養盡加隆於園陵兆惟奉明邑號千人訊諸故老造自帝

詢隱王母之非命縱聲樂以娛神雖靡率於舊典亦觀過而
知仁憑高望之陽隈體川陸之污隆開襟乎清暑之館遊目
乎五柞之宮交渠引漕激湍生風乃有昆明池乎其中其池
則湯湯汗汗滉漾瀾漫浩如河漢日月麗天出入乎東西且
似暘谷夕類虞淵昔豫章之名字披玄流而特起儀景星於
天漢列牛女以雙峙圖萬載而不傾奄摧落於十紀擢百尋
之層觀今數仞之餘趾振鷺千飛鳧躍鴻漸乘雲頡頏隨流
澹淡澆瀾驚波唼唼菱芡華蓮爛於綠沼青蕃蔚乎翠湫伊
茲池之肇穿肄水戰於荒服志勤遠以極武良無要於後福
而菘蔬芼實水物惟錯乃有贍乎原陸在皇代而物土故毀
之而又復凡厥寮司旣富而教咸帥貧惰同整楫權收畧課

獲引繳舉效鰥夫有室愁民以樂徒觀其鼓柷迴綸灑鈎投
罔垂餌出入挺義來往織經連白鳴根厲響貫鯁尾掣三
牽兩於是弛青鯤於網鉅解頰鯉於黏徽華魴躍鱗素鱖揚
響雍人縷切鑿刃若飛應刃落俎霍霍霏霏紅鮮紛其初載
賓旅竦而遲御既餐服以屬厭泊恬靜以無欲迴小人之腹
爲君子之慮爾乃端策拂茵彈冠振衣徘徊鄩鎬如渴如飢
心翹慙以仰止不加敬而自祗豈三聖之敢夢竊十亂之或
希經始靈臺成之不日惟鄩及鄩仍京其室庶人子來神降
之吉積德延祚莫貳其一永惟此邦云誰之識越可略聞而
難臻其極子贏鋤以借父訓秦法而著色耕讓畔以閑田沾
姬化而生棘蘇張喜而詐騁虞芮愧而訟息由此觀之士無
常俗而教有定式上之遷下猶鈞之埏埴雖五方雜會風流
溷淆惰農好利不昏作勞密邇獫狁戎馬生郊而制者必割
實存操刀人之升降隨政隆替仗信則莫不用情無欲則賞
之不竊雖智不能理明不能察信此心也庶免夫戾如其禮
樂以俟來哲



